



“I te cherdí con to ennom” dij le Signur.

La ploania d’La Pli tol sò con libreza te sòa comunité **David Facchini** (Framacia) y ti fej les miús aodanzas ai geniturs Alfons y Susanne: Idio, la Oma dal Ci y le sant protetor acompagneii Osc môt con sòa benedisciun y proteziun.

- **Ministronc:** en **domegna, ai 21 d’agost**, do la gran messa, é düc i ministronc co é jüs ala mesana y co vá da d’altonn ala mesana periés da jí en momont te sacrestia, por odei chi co stá ennant a sorví.

1 enformaziuns y termins

Oraziun da Taizé: la proscima oraziun de Taizé ven tignida en vendres ai 19 d’agost ales 20:00 tla capela a Oies. Al se trata de en n’ora olá ch’al ven perié, medité y cianté en forma de Taizé. Düc é der bel enviés a tó pert.

Conzert sacral tla dljia de Badia en sabeda, ai 20 d’agost dales 21:00: n cor y na orchestra da Ahrntal con le Cor da San Ciascian porta dant la “Paukenmesse” de J. Haydn y composiziuns de J. S. Bach y de F. Mendelssohn -Bartholdy.

Musical: le proscimo fin dal edema gnarál presenté a Al Plan le musical te cater lingac “Picio Muck – en picio môt, mo na gran porsona”. Al é na produziun dal Sorvij ai Jogn con mituns dla Val Badia. Do cater edemes de proes vegnel fat trei raprezentaziuns tal salf dles manifestaziuns: en sabeda ai 20 d’agost ales 20:00 y en domegna ai 21 d’agost ales 15:00 y ales 20:00. Düc é der bel enviés!

Conzert alaleria: la Musiga da La Val envieia der bel al conzert particular alaleria “Te chësc bel monn” en sabeda ai 20 d’agost ales 21:00 sò Dlijia Vedla. Da La Val sò vá n shuttle-bus debann; da bor tomp vegnel desdit.

Sorvisc ai Jogn: le SaJ adöm al Sorvisc por le Lingaz Ladin Departimënt Educaziun y Cultura, met a jí en curs de ladin co é odü desco preparaziun al ejam de trilinguism por jogn y jones sora i 16 agn. Le curs gnará tigni da Daria Valentin dai 22 ai 26 d’agost entres dales 19:00 ales 21:00 (endöt 10 ores) te Sorvisc ai Jogn a Picolin. Le curs é debann. Por informaziuns y iscriziuns: Sorvisc ai Jogn ☎ 0474 523070 o info@jogn.org.

Döt le bun a:	Maria Feichter Valentini, <i>La Ila</i>	* 16.08.1941
	Frida Daporta Welz, <i>Graz</i>	* 17.08.1926
	Maria Angelica Daverda Fiung	* 19.08.1928
	Ludwig Erlacher	* 19.08.1931
	y a düc chi co á santennom y compless i agn cöst’edema	

Impressum: Ploania d’La Pli; redaziun Franz Rigo y Edith Willeit
Comunicaziuns: cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: **Signor Heinrich Perathoner**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MHz**



VAL BADIA
www.unitepastorala.org

Nia teme y tigní fora confrontaziun


☞ **Ier 38, 4–6.8–10 | Ebr 12, 1–4 | Lc 12, 49–55**

Dal Vangelo do San Lúca:

Te chel tomp á Gejú dit a sü discepui: ⁴⁹I sun gnü por sciüré fü söla tera, y tan encontont ch’i foss sc’al vardess belo! ⁵⁰I messi gní bacé con n bato, y tan ch’i mo crüzi, cina ch’i ne l’á nia ciáfé. ⁵¹Mineise os, ch’i sunse gnü a porté pêsc söla tera? Na, ves diji, nia pêsc, mo divijiun. ⁵²Deache da sen ennant sarára ensciö: Sc’al vir cin’ porsones adöm tla medema ciasa, regnaral despartiziu: Trei sará cuntra dui y dui cuntra trei, ⁵³le pere cuntra le fi y le fi cuntra le pere, la oma cuntra la fia y la fia cuntra la oma, la jocera cuntra la nora y la nora cuntra la jocera. ⁵⁴Plü ennant ál dit ala meja: Pornanch’i odeis jenn sò nii cuntra ponent dijeise: Al se met a plöei. Y ensciö sozédera. ⁵⁵Y canch’al ven l’ont dal süd, dijeise: Al ven cialt. Y al sozed. Les aparenzes dla tera y dal ci seise assá da splighé. Ciodi ne seise pa spo nia da interpreté i segns de cösc tomp? Ciodi ne iudicheise pa nia da os enfora ci co é dert?

I ponsun do

Chel co ô jí le tru de Gejú roará, tert o adora, te n conflit con la jont encer el ia. Compagns gnará foresti, deach’ai ne capesc nia cösc punt d’odüda dla vita; ince te sòa familia se formarál divijiuns. Mo döt cösc alda lapró, deache tó na dezijiun y se porté ete provocheia contradiziun y morveia danló olá che trepes porsones va ma le tru amesafora.



I periu

Beldio, con l’odlada sön Gejú, to Fi, te periunse: dásse sigurté y coraje da te testemonié dan dala jont. Por el, Crist, nosc Signur.

Wilhelm Egger “Sonntagsbibel”

☞ **Letöres dla 21. domegna ia por l’ann:**

Is 66, 18–21 | Ebr 12, 5–7.11–13 | Lc 13, 22–30

Edema liturgica dai 14.08. ai 21.08.2016

DOM 14.	20. domegna ia por l'ann <i>Maximilian Maria Kolbe, Meinhard</i>
08:30	gran messa por dōta la ploania y benedisciun dal temp <i>oferta por i debojügn dla ploania</i>
15:00	funziun dal Bato de David Facchini <i>10 y 18 s.m. a Al Plan</i>
Lön 15.	GRAN FESTA DE SANTA MARIA TUTA SÖ AL CI, Santa Maria dai ciöf, Assunta <i>Assunta</i>
08:30	gran messa ciantada solena ad onú y ringraziamont de Santa Maria por la comunité, benedisciun dai ciöf y dles erbes <i>♫ Max Filke, „Missa in G“</i>
14:00	espi da festa y prozesciun fora Brach
Ded 16.	<i>Stefan d'Ungheria, Teodor, Alfred, Christian</i>
07:30	s.m. ad intenziun en onú de Santa Maria dal Bun Consei s.m. en onú de Santa Maria por Iuliana Ellemunter ved. Maffei
Dem 17.	<i>lazint, luta</i> <i>18:00 s.m. a Al Plan</i>
Jöb 18.	<i>Elena, Claudia</i>
19:30	s.m. por + Carlo Kehrer, Mone s.m. por + Regina Stauder Ellemunter, Sexten
Ven 19.	<i>Johannes Eudes, Sebald, Sigbert, Moreno</i> <i>07:30 s.m. a Al Plan</i>
Sab 20.	<i>Bernhard da Clairvaux, Samuel, Hugo</i>
07:30	s.m. de ringraziamont dla fam. Gustl y Liesl Winkler, lagher s.m. por les Püres Animes
18:00	<i>s.m. prefestia a Al Plan</i>
DOM 21.	21. domegna ia por l'ann <i>Pio X., Balduin, Isabella</i>
08:30	gran messa por dōta la ploania y benedisciun dal temp <i>oferta por i debojügn dla ploania</i>
10 y 18	<i>s.m. a Al Plan</i>
ampola:	de suplica por na familia
ministronc:	► da doman y domegna: Denise Erlacher y Eliane Pedevilla ► da sera y domegna: Veronika Konrater y Carmen Rigo
i recordun:	Tone Kehrer, <i>Calazo</i> + 15.08.2008 Rosa Ellecosta ved. Camporesi, <i>Bornech</i> + 15.08.2009 Vesco Wilhelm Egger + 16.08.2008 Carlo Kehrer, <i>Mone</i> + 19.08.2007



Gran festa de Santa Maria tuta sö al ci

Dal Vangelo do San Lúca:

³⁹En chi dis s'à Maria motü sön tru y é jüda debota te na ciüté tles munts dla ludea. ⁴⁰Ara é jüda tla ciasa de Zacaria y á saludé Elisabeta. ⁴¹Canche Elisabeta á aldí le salüde de Maria, á le möt büsié te so gremo. Danló é Elisabeta gnüda emplida dal Spirit Sant ⁴²y á tlamé con usc sterscia: Benedida este tö danter les eres, y benedí é le früt de to corp. ⁴³Che sunse pa iu ch'al ven da me la oma de mio Signur? ⁴⁴Te chel momont, canch'i á aldí to salüde, á le möt büsié dala ligreza te mio corp. ⁴⁵Beata é chera, co á cordü ch'al s'adempliss ci che le Signur ti á lascé dí. ⁴⁶Danló á dit Maria:

Mia anima lalda la grandeza dal Signur, y mio spirit iubileia por Dio, mio salvatur.

Deach'al á ciaré al'umilté de söa fancela.

Ciarede, dötes les generaziuns mo dij da sen ennant beata.

De gran á fat a me l'Onipotent, y sant é so ennom.

Da generaziun a generaziun va söa misericordia a düc chi co timur i porta.

Con la forza de so brac ál fat de gran cosses;

al á sprigoré chi dal cör superbe;

al á rosedé i gragn jö de tronn y á alzé sö i pici.

I arfamés ál emplí de scincundes y i ric ál lascé jí con mans ötes.

Al s'á crüzíé de so fant Israel recordenn söa misericordia,

co ch'al á albü empormetü a nüsc peri,

a Abraham y a sü descendenc por dagnora.

⁵⁶Y Maria é stada encer trei mensc pa d'era; spo s'an éra endô jüda derevers a ciasa.

I ponsun do:

„Mia anima lalda la grandeza dal Signur, y mio spirit iubileia por Dio, mio salvatur.“

Ensciö cianta Maria,

deache ara é gnüda atocada da Chelbeldio.

La dljia nes met ince a nos

cöstes parores tla bocia.

Sunse bogn da cianté con sinzirité empara?

Pa nosc bato nes á Chelbeldio

atoché ince vignönn de nos.

Pa vigne funziun liturgica

ôl nes atoché vigne iade danö.

Nos sun düc „plens de grazia“,

le „Signur é con nos.“

Te cösta coscionza junse fora tal monn.

Le Signur á fat de gran cosses con nos,

porchel orunse nes ralegré sora de d'el.

Nosta iublianza pó müdé le monn!

